

## Ahlulo wa khoto ya vumbiwa mayelana na 'xinawana xa hundziselo' na xikweleti xa mivuyeloxumakulu eka xivumbeko xa swiphemunyingi swa Thirasiti

**Tshwane, 08 Nhlangua 2024** – Khomixinara wa Vukorhokeri bya Xibalo bya Afrika-Dzonga (SARS), u amukerile ahlulo wa Khoto ya Vumbiwa lowu nyikiweke hi ti 02 Nhlangua 2024 hi Khoto ya Vumbiwa eka mhaka ya *The Thistle Trust* na Khomixinara wa SARS. Mhaka a yi katsa ntirhiseko wa 'xinawana xa hundziselo' eka mivuyeloxumakulu loko yi hangalasiwa eka xivumbeko xa swiphemunyingi xa Thirasiti eka lembexibalo ro fana. Khoto ya Vumbiwa yi ahlurile ku yima na xikombelo xa SARS xa swiyimo eka xikweleti xa xibalo eka muhakelaxibalo, *Thistle Trust*.

*The Thistle Trust*, thirasiti yo tihlawulela ya *inter vivos*, a yi ri muvuyeriwa wa khume ra Tithirasiti ta ntsakelo. Enkarhini wa malembexibalo ma 2014, 2015 na 2016, Tithirasiti ta ntsakelo ti amukerile mivuyeloxumakulu endzhaku ko herisa tinhundzu ta xuma no hangalasa mivuyelo leyi amukeriweke eka *Thistle Trust*, leyi kwalaho yi nga hangalasa mivuyelo leyi eka vavuyeriwa va yona eka malembexibalo mo fana. Thirasiti a yi tivisangi mivuyeloxumakulu eka mitlheriso ya yona ya xibalo; ematshan'wini, vavuyeriwa va yona va tivisile mivuyeloxumakulu no hakela xibalo xa mivuyeloxumakulu eka mivuyelo leyi.

SARS yi humesile nhlahluvo ehenhla ka *Thistle Trust* mayelana na malembe lama vuriweke laha henhla ma mivuyeloxumakulu leyi hlengeletaweke eka *Thistle Trust*. SARS yi sindzisile nxupulo wa 50% wa pimanisohansi no lava leswaku *Thistle Trust* yi hakela ntswalo eka xikweleti xa xibalo lexi kayiveleke. *The Thistle Trust* yi kanetile nhlahluvo eka tshaku ra leswaku *Thistle Trust* a ku ntsena xifambo eka ntshukotshuko wa mivuyelo ku ya eka vavuyeriwa va yona leyi, hi ku ya hi nawu wa ntolovelo na Nawu wa Xibalo xa Malinghena, a yi hakerisiwa xibalo emavokweni ma vavuyeriwa ntsena. Nkaneto a wu pfumeleriwangi.

*The Thistle Trust* yi tshunelerile Khoto ya Xibalo leyi kumekeke ku va yi yime na Thirasiti. SARS yi aphirile eka Khotokulu ya Aphili (SCA). SCA yi vekile etlhello xileriso xa Khoto ya Xibalo ku fikela laha yi nga endla xikombelo xa mhaka ya xikweleti xa xibalo no khoma leswaku xinawana xa hundziselo a xi tirhisiwanga ehenhla ka *Thistle Trust*, na leswaku Thirasiti yi fanerile ku hakela xibalo xa mivuyeloxumakulu. Hambiswiritano, yi khomile nkaneto wa *Thistle Trust* eka mhaka ya nsindziso wa nxupulo wa mpimanisohansi. Ku hava vandla leri nga hakerisiwa tihakelo.

*Thistle Trust* yi aphirile eka Khoto ya Vumbiwa eka mhaka ya xikweleti xa yona xa xibalo. Ahlulokulu wu bakanyerile etlhello aphili ya *Thistle Trust* eka mhaka ya yona ya xikweleti xa xibalo. Xikombelo xa nkarhinyana xa nxopaxopo wo aphila xa SARS eka mhaka yo hakerisa nxupulo wa mpimanisohansi xi bakanyeriwe etlhello eKhoto ya Vumbiwa leyi kumeke leswaku a swi nga ri eka ntsakelo wa vululami bya khoto ku

tshama tanihi khoto eka xiyimo xo sungula na xo hetelela ku kumisisa mhaka ya swa xinawu leyi nga ta pfumala byarho eka mbuyelo wa aphili. Loko ku nga si fikiwa eka xiboho lexi, khoto yi kumile leswaku xiyimo xa xibalo lexi tekiweke hi *Thistle Trust* a ku ri xin'wana lexi tekiweke mayelana na xitsundzuxo xa swa nawu naswona a xi nga twali ntsena, kambe a ku ri xin'we lexi khomiweke eka ahlulo lowu twalaka wa Khoto ya Xibalo. Ku engetelela, leswaku phikisano lowu endliweke hi SARS mayelana na nkalanhletelo lowu twalaka eku tateni ka ntlheriso lowu nga ta tlakusa SARS ku ya eka xiyimo xa vulawuri lebyi nga ta lerisa ntsena nhlamuselo leyi twalaka ya nawu wa xibalo. Khoto yi yi le emahlweni yi sindzisa xileriso xo hakela ehenhla ka SARS mayelana na mhaka ya nxupulo wa mpimanisohansi. SARS yi xixima xileriso lexi xa khoto naswona yi ya emahlweni yi valanga maendlelo lama mixupulo leyi pimanyetiweke hansi yi nga seketeriwa hi yona no nyika nhlamuselo leyikulu eka xiyimo lexi.

Khomixinara wa SARS, Ttn Edward Kieswetter, u vurile leswaku "ahlulo lowu tiyisisa hi vuntshwa xiboho xa SARS lexi lulameke eku aveleni ka xikweleti xa xibalo eka Thirasiti eka xivumbeko xa randlalonyingi ra Tithirasiti. Ku engetelela, ahlulo wu yi le emahlweni wu nyika nhlauselo na ntiyisiso mayelana na leswaku mivuyeloxumakulu leyi hangalasiweke hi Thirasiti ku ya eka vavuyeriwa yi fanele ku tekiwa Vatshembiwa eka xiyimo xo fana".

Ahlulo wo helela wa [Thistle Trust v Commissioner for the South African Revenue Service \(concourt.org.za\)](https://concourt.org.za/cases/thistle-trust-v-commissioner-for-the-south-african-revenue-service).

Mayelana na vuxokoxoko hi xitalo, u komberiwa ku tihlanganisa na SARSMedia eka [SARSMedia@sars.gov.za](mailto:SARSMedia@sars.gov.za).